



Broj: KSI-09-180/24

Datum: 06.09.2024. godine

Na osnovu člana 110. stav (2) Zakona o upravnom postupku Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 48/11, 21/18 i 23/19) i člana 35. i 36. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), a postupajući po anonimno podnesenoj prijavi za utvrđivanje sukoba interesa, 23.08.2024. godine, Komisija za odlučivanje o sukobu interesa na 99. sjednici održanoj dana 06.09.2024. godine donosi

ZAKLJUČAK

Odbija se prijava za pokretanje postupka za utvrđivanje postojanja sukoba interesa podnesena protiv [REDACTED] Kancelarije za upravljanje javnom imovinom Brčko distrikta BiH, kao rukovodećeg državnog službenika i predsjednika upravnog odbora Zavoda za planiranje, projektovanje i razvoj Brčko distrikta BiH, kao nosioca javne funkcije.

Образложење

Dana 23.08.2024. godine putem službenog e-maila Komisije za odlučivanje o sukobu interesa podnesena je anonimna prijava za pokretanje postupka za utvrđivanje postojanja sukoba interesa protiv [REDACTED] Kancelarije za upravljanje javnom imovinom Brčko distrikta BiH navodeći da je istoj zabranjeno da obnaša bilo koju drugu funkciju u privatnom i javnom sektoru shodno odredbama Statuta Brčko distrikta BiH, te prema tome i javnu funkciju predsjednika Upravnog odbora Zavoda za planiranje, projektovanje i razvoj Brčko distrikta BiH, a vezi sa Zakonom o sprečavanju sukoba interesa u institucijama Brčko distrikta Bosne i Hercegovine.

[REDACTED] na osnovu Odluke Skupštine Brčko distrikta BiH, broj: [REDACTED] od [REDACTED] godine imenovana je za člana Upravnog odbora Zavoda za planiranje, projektovanje i razvoj Brčko distrikta BiH, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana je u Registar javnih funkcija i nosilaca javnih funkcija.

Nadalje, ista je kao [REDACTED] Kancelarije za upravljanje javnom imovinom rukovodilac organa javne uprave odnosno rukovodeći državni službenik shodno članu 24. stav (6) Zakona o državnoj službi u organima javne uprave Brčko distrikta BiH. Ista je imenovana putem javnog konkursa na navedenu poziciju na neodređeno vrijeme, sa punim radnim vremenom, te ima status rukovodećeg državnog službenika.

Članom 5. stav (3) Zakona o sprečavanju sukoba interesa u institucijama Brčko distrikta Bosne i Hercegovine, propisano je da za vrijeme obavljanja javne funkcije, koja podrazumijeva rad s punim radnim

vremenom, nosilac javne funkcije ne može obavljati druge poslove. Kako navedeno članstvo u Upravnom odboru Zavoda za planiranje, projektovanje i razvoj Brčko distrikta BiH nije rad sa punim radnim vremenom nego ista rad s punim radnim vremenom ostvaruje na poziciji direktora Kancelarije za upravljanje javnom imovinom sa statusom državnog službenika, to ne postoji prepreka za obavljanje poslova direktora Kancelarije za upravljanje javnom imovinom kao rukovodećeg državnog službenika, jer je shodno članu 5. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano da nosilac javne funkcije obavlja jednu javnu funkciju, a u ovom slučaju to je javna funkcija člana Upravnog odbora u Zavodu za planiranje, projektovanje i razvoj Brčko distrikta BiH, kao jedina javna funkcija koju ista obavlja.

Članom 54. Statuta Brčko distrikta BiH, propisano je da članovi Vlade Distrikta, savjetnici gradonačelnika, šef Policije i njegov zamjenik, direktor Direkcije za finansije Distrikta, direktor Trezora, direktor Porezne uprave, direktor Kancelarije za upravljanje javnom imovinom, koordinator i pomoćnici koordinatora u Kancelariji koordinatora za Brčko distrikt pri Vijeću ministara Bosne i Hercegovine, glavni revizor i zamjenici glavnog revizora Ureda za reviziju i drugi zvaničnici imenovani uz saglasnost Skupštine ne mogu obavljati nikakvu drugu funkciju u javnom ili privatnom sektoru za vrijeme trajanja njihovog mandata ili imenovanja, osim ukoliko je drugačije predviđeno zakonima Distrikta.

Imajući u vidu navedene zakonske odredbe, kao i navode iz podnesene anonimne prijave proizilazi da se ovdje ne radi o prijavi o kojoj bi se moglo rješavati u postupku pred Komisijom za odlučivanje o sukobu interesa, te kako se prijavom traži pokretanje postupka za koji po važećim propisima, nema uslova to je Komisija donijela zaključak da ne postoji povreda odredaba Zakona o sprečavanju sukoba interesa u institucijama Brčko distrikta Bosne i Hercegovine, niti postoji osnov za pokretanje postupka, pa je iz tih razloga shodno članu 110. stav (2) Zakona o upravnom postupku Brčko distrikta Bosne i Hercegovine odlučeno kao u dispozitivu zaključka.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke, a shodno članu 37 Zakona o sprečavanju sukoba interesa u institucijama Brčko distrikta Bosne i Hercegovine.

Dostavljeno:

1. Anonimnom podnosiocu-putem oglasne table,
2. Internet stranici Komisije,
3. Evidenciji i
4. Arhivi.

Predsjednik
Komisije za odlučivanje o sukobu interesa

Admira Mujić, dipl. pravnik